

杭州圖書館

◎ 杭州圖書館

◎ 杭州圖書館

◎ 杭州圖書館



冊鉛錄序



葛稚川云余抄掇衆書撮其精要用功少而所收多思不煩而所見博或謂予曰流無源則乾條離株則悴吾恐玉屑盈車不如全璧洪咨曰涑圓流者採珠而捐蚌登荆山者拾玉而棄石余之抄略譬猶摘孔翠之藻羽脫犀象之角牙矣王融云余少好抄書老而彌篤雖遇見瞥觀皆即疏記後重覽省歡情益深習與性成不覺筆倦慎執鞭古昔頗合軌葛王自束髮以來手所抄集帙成踰百卷計越千其有意見偶所發明即擇其菁華百分以爲冊鉛四錄享敵帚以千金緘燕石以十襲雖取大方之笑且爲小道之觀知不可乎

嘉靖壬寅閏夏五金伏之初楊慎序

丹鉛總錄序

古之君子，宏搜徧挹，達觀拓於無垠，研牘綜微，
膚炳極于無內，故其學浩邈而不苑，宥密而能
疏，始于博，終于約，融會貫通，斯足以立言羽翼，
爲貴耳賤目者，一滌矇矓，此固有待于學力之
精專，而充有賴于天賦之獨粹，否則貴五車十
乘之富者，博之未周，而或限于知宗，去註離經
之玄者，約之無物，而竟無所得，夫孰能兼之，吾

師升庵楊先生，峻發川嶽不世之奇氣，復益以
家學正傳，自童子時，擬過秦一論，人已預知其
不凡，其所禁一目，可爲終身誦及登殿，撰直史
館，聞見溢而考索真，人莫能窺其際，信蕙學力
天賦，而獨領其全者也，自流寓吾滇，好學無厭，
著書自怡，托江湖之逸思，喻巖廊之宿忠，翕功
業之耿輝，繼微言之絕響，暇日著丹鉛餘錄，摘
錄流有刻本，藝苑珍之，惜其不多見，戊申秋，佐

自司馬部奉使歸省，度金碧之闕，撫衣于高峽。圃中先生以佐受教有年，且慨後晤之難，廼盡出丹鉛三錄、四錄、別錄、附錄、閏錄諸稿，授之佐。噫！先生是錄，豈輕授哉！亦豈易見哉！授之于佐，固有深意，而見之于世，若待厥期，一披閱之間，凡天地造化、古今世運、人物制度、文章俗好，方言以及于鳥獸草木之煩細，盡乎變矣。其中爲先生所闡明者，又象緯諸編所未載，山水經誌

所未採，于史說文、禮樂遺經所未具，博雅志士訓詁諸家所共由，而未之察者，先生直指其源，而考據悉備，引證互明，持獨斷以定群蠹，固非鑿之以臆見，附之以口耳者也。是何其博且精矣！譬諸星海浚源，由崑崙之墟，放之東下，大而江淮河漢，小而滄壑溪澗，紆迴萬折，汪洋不涸，隨其所足，皆可適于海，非大而本若是乎！蓋先生所發者，皆世之聰明所未發者也。其所考

者皆世之學力所可考者也發其所未發則見
之者爭快考其所可考則從之者不疑是錄其
可以無傳乎佐乃刪同校異析之以類合而名
之曰總錄捐俸以梓時上杭尹趙子一重夙慕
先生之學率師生有識者督刻而成之廣其傳
于海內奚直爲丹縵之校勘鉛槧之爭麗哉先
生在滇手著不止此有轉注古音畧古音餘篆
韻索隱奇字韻古雋韻六書博證詩林振秀談
苑醜酬古今詩選皇明詩抄四書表傳風雅逸
編選詩外編拾遺墨池瓊錄古文韻語五言律
祖唐絕爭奇赤牘清裁詞林萬選水經碑考異
魚圖贊禪藻集滇載記滇程記諸書不盡梓于
世佐因存其名以竣博學大方搜而廣之與茲
錄並傳可也

嘉靖三十三年甲寅五月五日吉

賜進士出身奉政大夫福建按察司僉事奉

勅整飭兵備前兵部員外郎滇南門人梁佐

應台拜書



舟船總錄

前序

四

杭州圖書館

丹鉛總錄

類二

卷一之二

天文類

地理類

卷三之七

時序類

花木類

鳥獸類

宮室類

冠服類

珍寶類

卷八之十

音律類

物用類

人事類

人品類

卷十一之十二

丹鉛總錄

類目

史籍類

卷十三之十四

訂訛類

卷十五之十七

字學類

官爵類

博物類

禮樂類

卦名類

飲食類

千支類

數目類

恠異類

身體類

卷十八之十九

詩話類

卷二十之二十一



詩話類

卷二十二之二十四

瓊語類

卷二十五之二十七

瓊語類

丹鉛總錄類目終

丹鉛總錄

類目

二

杭州圖書館

博南山人升菴楊慎用脩著集

滇南心泉梁佐應台校刊

天文類

密雲不雨

孟晉
年

易曰密雲不雨自我西郊天地之氣東北陽也西南陰也雲起東北陽倡陰必和故有雨雲起西南陰倡陽不和故無雨俗諺云雲往東一場空雲往西馬鬣泥雲往南水潭潭雲往北好晒麥是其驗也風雷亦然或問東為陽方西為陰方是矣南本陽而屬陰北幽陰而屬陽何也曰一陽生于子仲天之氣所始也卦又當坎北非陽而何一陰生于午仲地之氣所始也卦又當離南非陰而何

丹鉛總錄

卷一

駿狼

乙

郭璞客傲云青陽之翠秀龍豹之委穎駿狼之長暉玄陸之短景言著生于微盛生於衰也駿狼長暉謂冬至之日也淮南子冬至日在駿狼山龍豹之義又不可曉

黑雲壓城

唐李賀鴈門太守行首句云黑雲壓城欲摧甲光向日金鱗開據言謂賀以詩卷謁韓退之韓暑卧欲辭之開其詩卷首乃鴈門太守行讀而奇之乃束帶出見宋王介甫云此兒誤矣方黑雲壓城豈有向日之甲光也或問此詩韓王二公去取不同誰是予曰宋老頭巾不知詩凡兵圍城必有怪雲變氣昔人賦鴻門有東龍白日西龍雨之句此意也予在滇值安鳳變居聞

城中見日暈兩重黑雲如蛟在其側始信賀詩善狀物也

山帶

張野廬山記天將雨則有白雲或冠峯岩或亘中嶺俗謂之山

帶不出三日必雨

唐詩風吹山帶遙知雨

如日夜出

漢書武帝紀建元二年有如日夜出諸家無註予解之曰曷言
乎如日光如日也曷不言日夜出日不夜出夜出非日也有不
宜有也曷爲書紀異也晉書書有日夜出高三丈遂日之矣班
氏書法春秋復起亦不能易矣班之叙傳自目爲春秋考紀有
意於續獲麟乎讀者受傳志之宏博而志考紀之簡嚴何哉

孟婆

舟船總錄

卷一

二

俗謂風曰孟婆蔣捷詞云春雨如絲繡出花枝紅鼻怎惹他孟
婆合皂宋徽宗詞云孟婆好做些方便吹个船兒倒轉江南七
月間有大風甚於舶艸野人相傳以爲孟婆發怒按北齊李驥
駘聘陳問陸士秀江南有孟婆是何神也士秀曰山海經帝之
女遊于江中出入必以風雨自隨以帝女故曰孟婆猶郊祀志
以地神爲恭媪此言雖鄙俚亦有自來矣

風生於無而歸於無惟竅之所受不同在人之所聞亦異比于
萬物稟受亦然衆竅爲風所鳴萬形爲化所役風不能鳴則萬
竅虛化不能役則萬竅息

休疑獨註莊子天籟一節

七政

日月木火土金水謂之七政亦曰七曜今術家增入月字紫炁

羅帳計都四餘星爲十一曜計生于天尾羅生于天首孛生于月炁生于閏蓋日月行道如雨環兩環相交一處曰天首一處曰天尾天尾爲計天首爲羅月之行遲速有常度遲之處即孛也炁生于閏二十八年十閏而炁行一周天炁孛皆有度數無光象故與羅計同謂之四餘今七政曆亦有四餘躔度

丘處機論日不入地

易曰日入地中明夷邵子云日入地中構精之象後人遂謂日晝行天上夜入地中丘長春曰輕清者上騰爲天重濁者下凝爲地萬物有形重濁皆附於地三光輕清悉上於天既上於天如何却沉於地乎且星隕於地而化爲石古今有之星墜於地猶化爲石况地下乎夫二十八宿周天均布太陽逐日會合逐

并鉛總錄

卷一

三

月遷移一歲之終經歷周徧且如日在箕斗箕斗在天河日入地時星河皆入地耶日獨入地而星河只在天耶若道星河皆入地則七八月間河漢尤顯日正東西出沒初夜則河漢東北西南向曉則東南西北是知河漢不入地而隨天運行若日入地時與箕斗并破箕斗行天上而日轉地中天上空虛而行疾地中結實而行遲天地懸隔如何向曉東方出時却得恰好與箕斗相會而同行天上乎天上日月常無出沒人間常有出沒此間東方日出時西向千里之外猶未萬里之外猶昏北斗直西半夜北斗之比初沒于丑寅卯周天輪次施灑而去未嘗暫止北斗幹運昭然可見而強稱入地有何義旨明夷之卦文王拘於羑里失勢之象何足爲據右丘長春所論如此愚按明夷

日入地中乃是假象明理如天在山中之類邵子構精之說元儒已譏其褻天由此觀之長春之識卓矣

長短星

寰宇記云瓊州潮候不同凡江浙欽廉之潮皆有定候瓊海之潮半月東流半月西流潮之大小隨長短星不係月之盛衰此又不可曉也然則曆家之著長短星蓋海中占潮候也繆者乃以爲交易裁衣之用可笑

易卦納甲

納甲之說京房易傳有之魏伯陽參同契曰三日出爲庚震受庚西方八日兌受丁上弦平如繩十五乾體就盛滿甲東方東十六轉受統巽辛見平明良直於丙南下弦二十三坤乙三十日

升鉛總錄

卷一

東方喪其朋節盡相禪與繼體復生龍壬癸配甲乙乾坤括始終其疏云震象三日月出於庚兌象上弦月見于丁乾象望日月滿於甲巽象十六日月虧於辛艮象下弦月消於丙坤象晦日月沒於乙此指二八月晝夜均平之時若以曆法言則晝夜有長短若晝短日沒於申則月合於申望於寅矣若晝長日沒於戌則月合於戌望於辰矣十二月之中三日之月未必盡見庚十五日之月未必盡見甲合朔有先後則上下弦未必盡在八日二十三日望晦未必盡在十五三十日也又虞翻易傳曰日月懸天成八卦象三日暮震象月出庚八日兌象月見丁十五日乾象月盈甲十六日旦巽象月退辛二十三日艮象月消丙三十日坤象月滅乙癸晦夕朔旦則坎象水流戊日中則

離象火就已成戊巳上位而象見于中納甲之說虞氏比參同契為備而坎離戊巳始有歸著故詳記之

睨日

余嘗登眺山寺見雨霽虹蜺下飲澗水明若刻畫近如咫尺日射其傍如盼睐得句云渴虹下飲玉池水斜日橫分蒼嶺霞曾謂切景張愈光云斜字猶未稱渴字後一年偶閱蒞于日方中方睨衍義云日斜如人睨目遂改作睨日對渴虹字始稱愈光曰渴虹睨日古今奇句也

旁羅

史記黃帝順天地之紀旁羅日月星辰文選陸佐公新刻漏銘俯察旁羅登臺升庫尚書考靈耀曰冬至日月在牽牛一度求

并鉛總錄

卷一

五

中者取六項加三旁蓋順餘之鄭玄注曰盡行十二項中正而分之左右各六項也蓋猶羅也昏中在日前故言順數也明中在日後故言却也據此則旁羅乃測天度之器如今之日晷地羅也十二項者十二時分為十二方也此可補史記注之遺

金虎

并石星經云昴西方白虎之宿太白金之精太白入大昴金虎相薄主有兵亂文選張平子賦始于宮隣卒于金虎注不知引此而謬自為說

繩河

江淹表又云麗彩繩河映葦塘圖指宗室也

江淹文瑤離降映繩河低又唐陸魯望詩繩河裏扇月傍織錦書王者德至雲漢則天河直如繩

冬至夏至

周體云冬至晝極短日出辰而入申照三不覆九夏至晝極長日出寅而入戌照九不覆三者南三方巳午未也不覆三者北三方亥子丑也王克曰五月之時晝十一分夜五十分六月晝十分夜六分從六月至十一月減一分 日行天十六道

晚見朝日

謝靈運詩曉聞夕颺急晚見朝日暎此語殊有變互凡風起必以夕此云曉聞夕颺即杜子美之喬木易高風世晚見朝日倒景及照也孟郊詩南山塞天地日月石上生高峯夕駐景深谷夜先明皆自謝詩翻出

虹霓

升始總錄

卷一

六

諺云日出雨落公姥相撲謂陰陽不和也蔡邕曰陰陽不和則氣為虹虹見有青赤之色常依陰雲而晝見於日衝無雲不見太陰亦不見輒與日相互朝陽射之則在西方陽射之則在東方諺云東鸞首頭西鸞兩信然大率與霞相映朝霞不出市暮霞走千里是也莊子曰陽炙陰成虹禮疏云日照雨滴則虹生蓋雲心漏日日脚射雲則虹特明耀異常或能吸水或能吸酒人家有此或為妖或為祥朱子云既能吸水亦必有形質詩謂之蜺蜺其字以重俗謂之鸞其字以魚俗又謂之旱龍依其形質而名之也

宋儒論天外

邵康節曰天何依依乎地地何附附乎天天地何所依附曰自

相依附自斯言一出宋儒標榜而互替之隨聲而妄行之朱子遂云天外更須有軀殼甚厚所以固此氣也天豈有軀殼乎誰魯見之乎既自撰爲此說他日遂因而實之曰北海只揀着天殼邊過似魯親見天殼矣自古論天文者宣夜周髀渾天之書并石落下闕之流皆未嘗言非不言也實所不知也若邵子朱子之言人所不言亦不必言也人所不知亦不必知也人所不問亦不必問也莊子曰六合之外聖人存而不論此乃切要之言孰謂莊子爲虛無異端乎元人趙綵督始稍正邵子之誕而今之俗儒已交口議之又丘長春世之所謂神仙也其言曰世間之事尚不能究况天外之事乎由是言之則莊子長春乃異端之正論而康節晦翁之言則吾儒之異端矣本朝劉伯溫亦

古并石落下之流其言曰天有極乎極之外何物也天無極乎凡有形必有極理也勢也是聖人所不能知耳非不言也故天之行聖人以曆紀之天之象聖人以器驗之天之數聖人以筭窮之天之理聖人以易究之天之所闕人無術以知之者惟此耳今不曰不知而曰不言是何好勝之甚也嗚呼伯溫此言其確論乎其曰好勝者蓋指宋儒之論天者予嘗言東坡詩不識廬山真面目只緣身在此山中蓋處於物之外方見物之真也吾人固不出天地之外何以知天地之真面目歟且聖賢之學切問近思亦何必求天外之事耶

好風好雨尾

尚書星有好風星有好雨古注云箕星東方宿也東木克北土

以土爲妻兩土也土好雨故箕星從妻所好而多雨也畢西方宿也西金克東木以木爲妻木風也不好風故畢星從妻所好而多風也由此推之則北宮好燠南宮好暘中央四季好寒皆以所克爲妻而從妻所好也予一日偶述此義座有善誦者應聲曰天上星宿亦怕老婆乎滿堂真可笑也○又曰雷電在室南霹靂在雷電南雲雨在霹靂南土工吏在壁西南蓋雷公電姥雲將雨師與夫霹靂斧吏皆北方水府之精而嫌皆爲天門故其神栖焉室不得而司之也

石氏星經

石氏云東宮青帝其精蒼龍爲七宿其象有角有亢有氐有房有星有尾有箕氐胃房腹箕所糞也司春司木司東嶽司東方

冊部總錄

卷一

八

司麟蟲三百六十北方黑帝其精玄武爲七宿斗有龍蛇蟠結之象牛蛇象女龜象虛危壁皆龜蛇蟠蚪之象司冬司水司北

嶽司北方司介蟲三百六十西方北帝其精白虎爲七宿奎象

白虎婁胃昴虎三子也畢象虎甯參象麟與麟同班文也甯首

參身也司秋司金司西嶽司四海司西方毛蟲三百六十南方

赤帝其精朱鳥爲七宿井首鬼目柳象星頸發嗉翼翻軫尾司

夏司火司南嶽司南海司南方司羽蟲三百六十○左傳史記

天官書喙作咪咪張即柳張雨星之問也隋志喙作注又有注

張之文或訛爲汪張皆本於石氏柳爲鳥喙之說○王奕曰朱

鳥其以羽蟲之長稱乎而曰鶉首鶉尾何也師曠會經青鳳謂

之鶉赤鳳謂之鶉白鳳謂之鶉紫鳳謂之鶉蓋鳳生于丹穴鶉

又鳳之赤者故南方取象焉考之月令夏其蟲羽鳳羽之長故南方之宿爲朱鳥是與沈氏以朱鳥爲丹鷄豈知四獸皆蟲之長也鷄之微何預

中宮宿

余嘗疑天有五行星有五緯地有五嶽人有五事而二十八宿何獨無中央之宿也後觀石氏星經云中宮黃帝其精黃龍爲軒轅首枕星張尾掛柳井體映三合司四季司中獄司中土黃河江漢淮濟之水司黃帝之子孫司保蠱三百六十則固有所謂中宿矣又按張衡靈憲蒼龍連轡於左白虎猛擺於右朱雀奮翼於前靈龜圈脊於後軒轅黃龍於中則是軒轅一星與蒼龍白虎朱雀玄武四獸爲五矣世之言星者惟知四獸而不知黃龍是求之未盡也亦猶民俗惟知四時而不知夏之後有土位素問所謂長夏月令所謂中央五時取火季夏取槐樞之火也軒轅本垣之星而在張宿之分野分爲土德寄王鶉火亦由是也○張衡又云軒轅如龍之體主雷雨之神後宮之象鳥陰陽交合盛爲雷激爲電和爲雨怒爲風亂爲霧凝爲霜散爲露聚爲雲立爲虹蜺離爲皆商分爲抱珥此十四變皆軒轅主之亦猶土之無定位而金木水火賴以成興

廿氏星經論日月黃道

廿氏曰日一星在房之西氏之東日者陽精之宗也爲鷄二足爲鳥三足鷄在日中而鳥之精爲尾以司太陽之行度日生于東故於是位焉月一星在昴畢間故昴畢之間爲天街黃道之

所經也月者陰精之宗也爲兔四足爲蟾蜍三足兔在月中而
蟾蜍之精爲星以司太陰之行度月生於西故於是在馬日精
在氐房月精在畢昴自司其行度而氐房昴畢乃黃道之所經
不得而司之○范育曰日出於卯卯之屬爲兔而兔之宅乃在
月中月出于酉酉之屬爲鷄而鷄之宅乃在日中是謂陰陽之
精互藏其宅

五行

洪範五行兆于龍馬之圖列於命筮之書其見象於天也爲五
星分位於地也爲五方行於四時也爲五德稟於人也爲五常
播於律呂爲五音發於文章爲五色易曰五位史曰五材志曰
五物醫曰五運其該曷既哉羯朝據中土黃冠譎愚氓乃臆撰
除符厚誣軒帝名之曰五賊噫經以符名既已異矣符以陰名
抑增異矣天其可以名賊乎人其可以見賊乎見賊其可以昌
乎非寇讎之孽徒妖黨其孰爲此言乎有聖王出肩不以造言
亂民之刑誅之而世號傳統繼聖之儒乃取而註之噫考亭之
門何其無忠臣矣乎

霄雲

霄雲兩字音義皆異霄字从宀音屑說文兩覓爲霄徐鉉注訂
說文誤以宀爲肖遂爲臆說云霄雲着物則消此說可笑雲豈
有着物不消者乎霰雲與片雲同一性也覓即霰也爾雅兩覓
爲霄注水雪雜下謂之霄雲說文霰稷雲也陸佃云閑俗謂之
水雲今名瀟雲與霄音相近也詩補傳曰粒雲郭璞爾雅注謂

雨雜下也雪初作來成花圓如稷粒撒而下杜子美詩所云帶
雨不成花俗諺云夾雨夾雪也春秋緯曰盛陽之氣溫暖為雨
陰氣薄而脅之則合而為雹盛陰之氣凝滯為雪陽氣薄而脅
之則散而為霰韓詩相彼雨雪先集維霰薛君曰霰囊也夏侯
孝若寒雪賦曰集洪霰之浙漉煥摧磊之霍索謝希逸雪賦曰
霰浙漉而先集雪紛糅而遂殂古詩詠霰云雪花遣汝作先鋒
是也以此證之霄與霽迥不同矣霄从宀近天氣也揚雄賦騰
清霄而軼浮景陶潛詩川滌餘霜字鑿微霄道書所稱九霄青
霄赤霄紫霄絳霄玄霄之屬與霰霄字音義何啻千里

風行水上

楊誠齋文有云風與水相遭也為卷為舒為疾為徐為織文為

舟船總錄

卷一

十一

立雪為湧山細則激激焉大則洶洶鞠鞠焉不制于水而制于
風惟風之聽而水無拒焉本於蘇老泉文云云凡二百四十三
字變化奇偉類莊子其實本于毛公詩傳云漣風行水成文一
句漢人五句一句便可衍為後人數百言古注疏良不可輕也

○且兄嘗見夫水之與風乎油然而行淵然而留渟泗汪洋蒲
而上浮是水也而風實起之蓬蓬然而發乎太空不終日而行
乎四方蕩乎其無形飄乎其遠來既往而不知迹之所存是風
也而水實行之今夫風水相遭乎大澤之陂也紆徐委蛇蜿蜒
淪漣安而相推怒而相凌舒而如雲震而如麟疾而如馳徐而
如徊揖讓旋辟相顧而不前其繁如殺其亂如霧紛紜鬱擾百
里若一汨乎順流至乎滄海之濱溟溟洶湧號怒相軋交橫網

繆致乎虛空掉乎無垠橫流逆打潰旋傾側宛轉交戾回者如輪紫者如帶直者如燧奔者如智跳者如驚投者如鯉殊狀異態而風水之極觀備矣故曰風行水上渙此亦天下之至文也○愚謂老泉之文奇矣而細檢點猶有重復可刪如云交橫綢繆即前之紆徐委蛇也號怒相乳即前之怒而相凌也故文字必簡而後潔

漢無極山碑興雲祁祁雨我公田按顏氏家訓引詩亦作有淪淪淪興雲祁祁毛傳云淪陰雲貌萋萋雲行貌祁祁徐也此銘亦云興雲祁祁古經本雲字後世作雨乃或改耳王介甫有雲之祁祁詩語本古經俗稱義民字古亦有之見漢蔡湛碑陰魏明帝問黃權三國孰為正統權對曰以天文則魏為正然考

升書祝錄

卷一

十二

之史黃初四年三月癸卯月犯大心星曰心為天王王者惡之四月癸巳蜀先主殂於永安宮而二國自如天道豈易言哉晉天文志云二石雖偕號其強弱常占昴宿不關紫宮太微然以載記考之流星入紫宮而劉聰殞彗尾掃太微而符堅敗熒惑守帝座而呂隆破抑又何狀梁武帝時星變占曰熒惑入南斗天子下殿走武帝被髮跣足下殿以禳之未幾北朝有孝靜帝之變武帝曰虜亦應天象耶晉庾翼與凡水書曰歲星犯天關江東無故而季龍頻年閉關此復是天公憤懷無阜白之證也噫人之責天亦太詳矣為天者不亦難哉世說云月犯少微隱士當之戴顓自以為憂既而無恙當時賦謂顓求死不得此尤可笑也

升書總錄卷之終

地理類

方城本萬城

左傳方城以為城古本方本萬字古字萬亦作方故訛爾唐勒
秦士論曰我是楚也世伯南土自越以至葉豈私境萬里故曰
萬城也

鹽澤醋溝

唐岑參詩鴈塞通鹽澤龍堆接醋溝方回云鹽澤人皆知之醋
溝人所未知也非惟人未知方回蓋亦不知為此言以掩後人
耳考關駟十三州志山氏城北為高踰淵又東北醋溝水出焉
水在中牟鹽澤見漢書郭緣生述征記晉魁城至醋溝此十里

升鑑總錄

卷二

鬼方

高宗伐鬼方之事惟見于易鬼方極遠之國即莫靡之屬也蒼
鵠篇曰鬼之為言遠也世本黃帝娶于鬼方氏漢匡衡疏云成
湯化異俗而懷鬼方意者湯時鬼方已內屬於武圉之中而復
叛於中衰之日故高宗伐之以中興殷道也又西菴傳曰殷室
中衰諸侯皆叛至於武丁征西戎鬼方三年乃克故其詩曰自
彼氐羗莫敢不來王是其證也竹書紀年周王伐西落鬼戎按
今貴州有羅鬼夷俗又呼貴州為鬼州楚辭得人肉而祀以其
骨為醢紂醢脯九侯亦效夷醢也

九縣

左傳鄭伯肉袒牽羊以逆楚子曰云云使改事君夷于九縣注楚滅九國以爲縣碩得比之正義謂息御弦黃夔江六蓼庸權申息凡十一國不知何以言九沈重謂權是小國庸先蜀楚自外爲九也皆曲說不通竊意九爲陽數之極故書傳凡言九者皆指其極也桓公九合諸侯今考之亦不止九也楚辭九歌乃十一篇亦止言九也如九陵九淵九攻九守皆可以此例推之後漢書云九縣廳回正用此語使孔穎達沈重注漢書又指何地爲九縣乎

熒臺火井

水經注火山似火從地中出名曰熒臺今南中徃徃有之火井

升錦線錄

卷三

二

在蜀之臨邛今嘉定犍爲有之其泉皆油蕪之然人取爲燈燭正德中方出古人博物亦未及此也積陽之氣所產固非恠異

度索尋橦



西域傳有度索尋橦之國後漢書跋漢懸度注溪谷不通以繩索相引而度唐獨孤及招北客辭筆復引一索其名爲筆人懸半空度彼絕壑予按今蜀松茂之地皆有此橋其河水險惡既不可舟楫乃施植兩柱於兩岸以繩絙其中繩上有一木筒所謂橦也欲度者則以繩縛人於橦上人自以手緣索而進行達彼岸復有人解之所謂尋橦也非目見其制不知其解獨孤及之文以十七字形容之西域傳只四字盡之可謂工妙矣

附庸

附庸之國庸古墉通城也尚書大傳天子貢庸諸侯疏杼大夫有石材庶人有石承注庸庸也杼亦庸也

漢水有二

祝穆曰天下之大川以漢名者二班固謂之東漢西漢而黎州之漢水源於飛越嶺著不與爲固之所謂東漢則禹貢之道漾自岷家山逕梁洋金房均襄郢復至漢陽入江者也西漢則蘇代所謂漢中之甲輕舟出于巴乘夏水下漢四日而至五渚者其源出于西和州徼外徑階沔與嘉陵水合俗謂之西漢又徑大安利劍果合與涪水合入于江

被池

左太冲詩衣被皆重池池被之心如池也李太白詩亦有綠池

升船總錄

卷二

三

障泥錦之句又裝潢家以卷絳罽處爲玉池也

溫泉

東坡詩紀所經溫泉天下七處以驪山爲最予在南中所見又不止七處也寧州白崖德勝關浪窰宜良鄧州三泊凡數十處而安寧爲最凡溫湯所在下必有硫黃其水猶有其味獨安寧清微見底垢自浮去不積且無硫氣不知何理也舊有人見其竅出丹砂數粒乃知其下有丹砂傳聞徽州黃山溫泉亦類此後周王褒溫湯銘云白礬上微丹砂下沉華清駐老飛流瑩心乃知溫泉所在必白礬丹砂硫黃三物爲之根乃蒸爲暖流耳

地志

地志諸家予獨愛常璩華陽國志次之則盛弘之荊州記荊州

記載鹿門事云龐德公居漢之陰司馬德操宅州之陽望衡對
宇歡情自接泛舟褰裳率爾休暢記沮水幽勝云稠木傍生凌
空交合危巖傾岳恒有落勢風泉傳響於蒼林之下巖猿流聲
於白雲之上遊者常苦目不周玩情不給賞若此二段讀之使
人神遊八極信奇筆也記三峽水急今朝發白帝暮宿江陵凡
一千二百餘里雖飛雲迅鳥不能過也李太白詩朝辭白帝彩
雲間千里江陵一日還杜子美云朝發白帝暮江陵皆用盛弘
之語也然二公詩語亦自有優劣試與詩流辨之

石墨

文選東京賦黑丹石緇注引孝經援神契曰德至于山陵則出
墨丹魏都賦墨井鹽池玄液素滋注鄴西高陵西伯陽城西有

升錦總錄

卷二

四

墨井今在彰德府南郭村井產石墨可以書陸士龍與兄書云
三臺上有曹公石墨數十斤云燒此復消可用然烟中人不知
兄頗見之否今送二螺即此物也又宜陽縣有石墨山沂陽縣
有石墨洞贛州興國縣上洛山皆產石墨廣東始興縣小溪中
亦產石墨婦女取以畫眉名畫眉石按古者漆書之後皆用石
墨以書大戴禮所謂石墨相著則墨是也漢以後松烟桐煤既
盛故石墨遂湮廢拜其名入亦罕知之

水經注商州黃水北有
墨山山石悉黑縹彩香

發黝焉
若墨

禹碑

徐靈期衡山記云夏禹導水通瀆刻石書名山之高剝禹錫寄
呂衡州詩云傳聞祝融峯上有神禹銘古石琅玕姿秘文龍虎

形崔融云於鑠大禹顯允天德龍畫傍分螺書匾刻韓退之詩
岫嶠山尖神禹碑字青石赤形模竒又云千搜萬索何處有森
森綠樹猿猱悲古今文士稱述禹碑者不一然劉禹錫蓋徒聞
其名矣未至其地也韓退之至其地矣未見其碑也崔融所云
則似見之蓋所謂螺書匾刻非目觀之不能道耳宋朱晦翁張
南軒遊南嶽尋訪不獲其後晦翁作韓文考異遂謂退之詩爲
傳聞之誤蓋以耳目所限爲斷也王象之輿地紀勝云禹碑在
岫嶠峯文傳在衡山縣雲密峯昔樵人曾見之自後無有見者
宋嘉定中蜀士因樵夫引至其所以紙打其碑七十二字刻于
雙門觀中後俱亡近張季文愈憲自長沙得之云是宋嘉定中
何政子一模刻于嶽麓書院者斯文顯晦信有神物護持哉韓

舟船總錄

卷二

五

公及朱張求一見而不可見余生又後三公乃得見三公所未
見亦竒矣禹碑凡七十七字輿地紀勝云七十二字誤也其文
云承帝曰嗟翼輔佐卿洲渚與登鳥獸之門參身洪流而明發
爾興又旅志家宿嶽麓庭智營形折心罔弗辰往求平定華岳
泰衡宗跡事夏勞餘仲裡壽塞昏徙曉濱衍亨求制食備萬國
其寧竄舞水奔

羣微

爾雅山未及上曰羣微詩曰陟彼崔嵬崔嵬即羣微詩傳授字
各不同爾然崔嵬字不及羣微之工九山遠望則羣近之則羣
漸微故曰羣微也左思蜀都賦蓋蓋以羣微注羣微山氣之
輕縹也孟郊詩山明羣微淺又山近漸無言東坡詩來看南山

冷翠微皆有意態足以發詩人及爾雅之妙詮杜牧之云幽客携壺上翠微則直致不及孟蘇矣

風裳水佩

水經注垂隴鄭地有沙城左佩濟瀆又云鮑丘水北佩謙澤眇望無垠又云蘭渠川水出自北山帶佩聚溪南流注于渭水縈紆謂之佩自被山帶河字翻出而益奇唐李長吉詩風爲裳水爲佩又自水經注拈出語增奇矣

九有

左傳九丘八索九丘即九州也八索即八澤也見淮南子或以八索爲八卦謬矣通鑑外紀云人皇氏依山川土地之勢財度爲九州謂之九圍各居其一而爲之長人皇居中州以制八輔

卅餘錄

卷二

六

此引春秋命歷叙文也九圍取育草木爲義即後世所謂九州也中州則人皇之都石鼓文所謂寓逢中圍也八輔則餘八圍也圍亦作有古字省文書書以有九有之師詩九有有義又奄有九有作九圍解之義尤明暢左傳謂之九藪陽紆寤夢之屬總而言之九有也九圍也九州也九藪也一也有與圍以字相近藪州以音相近其實一義耳

都鄙

都何以訓美都者鄙之對也左傳曰都鄙有章淮南子云始乎都者常卒乎鄙蓋天子所居輦轂之下聲名文物之所聚故其士女雍容閑雅之態生今諺云京樣即古之所謂都相如傳車從甚都是也邊氓所居藪爾之色狐狸豺狼之所嗥故其閭閻

齊齒村陷之狀出今諺云野槎即古之所謂鄙老子云衆人皆有以而我獨頑似鄙是也

穴井

易井卦朱子解云井者穴地出水之處不曰鑿井而曰穴地何也按中山經云帝囿山有井焉名天井孫子兵法云地陷曰天井穴地出水蓋此類耳穴地之井天所爲也鑿地之井人所爲也先天上古穴井後天中古鑿井也

禹生石紐

易林舜升大禹石夷之野後漢戴救鸞傳云大禹生西羌水經注禹生于蜀之廣柔縣石紐村今之石泉縣也石紐村今之石鼓山其山朝暮二時有五色霞氣又有大禹採藥亭在大業山其地藥氣觸人往往不可到地志不載聞之土人云

荆鉛總錄

卷二

七

五嶺考

裴氏廣州記云五嶺大庾始安臨賀桂陽揭陽韶德明南康記云五嶺者臺嶺之嶠五嶺之第一嶺也在大庾騎田之嶠五嶺之第二嶺也在桂陽郡龐之嶠五嶺之第三嶺也在九真萌渚之嶠五嶺之第四嶺也在臨賀越城之嶠五嶺之第五嶺也在始安都龐水榮注作部龍萌渚輿地志作明諸徐廣曰五十萬人守五嶺淮南子曰始皇利越之犀角象齒翡翠珠璣乃使尉屠睢發卒五十萬爲五軍一軍塞鐔城之嶺一軍守九疑之塞一軍處番禺之都一軍守南野之界一軍結餘干之水注鐔城在武陵西南接鬱林九嶷在零陵番禺在南海南野餘干在豫

章其說五嶺又不同併志之于此

浦即步考

韓文步有新船不知者改爲涉步予考其邑著其謬蓋南方謂水際曰步音義與浦通孔戣墓志蕃舶至步有下碇稅即以韓文證韓文可也柳子厚鐵鑪志云江之許凡舟可縈而上下曰步水經贛水西岸有盤石曰石頭津步之處也又云東北逕王步蓋齋王之渚步也又云鸚鵡洲對岸有炭步今湖南有縣名城步青箱雜記嶺南謂村市曰墟水津曰步曷步即漁人施曷處也張勃長錄地名有龜步曷揚州有瓜步羅含相中記有靈妃步金陵圖志有邀笛步王徽之邀桓伊吹笛處温庭筠詩妾住金陵步門前朱雀航樹杪錄載臺城故歧詩曰那看回首處江步野棠飛東坡詩蕭然三家步橫此萬斛舟元成原常有寄紫步劉子彬詩云紫步于今無士馬滄溟何處有神仙字又作埠今人呼船僧曰埠頭律文私充牙行埠頭

拂林圖

宣和畫譜中載有拂林圖或作拂林又作拂菻不知所謂後考杜環經行記拂林在苦國西一名犁鞞其人顏色白婦人皆服珠錦善織絡琉璃妙天下菽音力甚切董北苑畫跋云拂林圖自唐有之其人類中國婦人皆衣胡綾緝文雜錦戴金花步搢綴以木難青珠盧肇雙柘枝舞賦云拂菻妖姿西河別部蓋如唐人之胡旋元末之天魔隊耳

黃河九曲

黃河九曲其說出河圖絳象今錄于此河導崑崙山名地首上
為權勢星一曲也東流千里至規其山名地契上為距樓星二
曲也邠南千里至精石山名地脊上為別符星三曲也邠南千
里入隴首間抵龍門首名地根上為營室星四曲也南流千里
抵龍首至卷重山名地咽上為卷舌星五曲也東流貫砥柱觸
闕流山名地喉上為樞星以運七政六曲也西距卷重山千里
東至雒會名地神上為紀星七曲也東流至太岨山名地肱上
為輔星八曲也東流過絳水千里至大陸名地腹上為虛星九
曲也元學士潘昂霄河源志黃河九折胡地有二折蓋乞兒馬
出反必赤里也禹貢導河自積石以此參考之絳象河圖及河
源志與禹貢一一皆合

丹鉛總錄

陰火

卷二

九

易澤中有火素問云澤中有陽燄如火烟騰騰而起于水面者
是也蓋澤有陽焰乃山氣通澤山有陰靄乃澤氣通山文選海
賦陰火潛然唐顧况使新羅詩陰火煎潛燒是也東坡遊金山
寺詩云是時江月初生魄三更月落天深黑江心似有炬火明
飛燄照山栖鳥驚悵然歸卧心莫識非鬼非仙竟何物注引物
類相感志山林藪澤晦明之夜則野火生焉散步如人秉燭其
色青異乎人火劉涓子云龍也非是坡公西湖詩又有湖光
非鬼亦非仙之句與此可互證

水閩河僵

國語曰穀洛閩將毀王宮注不言其閩之狀宋紹興十四年樂

平水閘有司奏言河橋里田水中類爲物所吸聚爲一直行高平地數丈不假隄防而水自行里南程氏家井水溢亦高數尺夫矯如長虹聲如雷穿墻毀樓二水闔于杉墩且前且却約十餘刻乃解以後印前穀洛二水之闔應亦如此也正德中文安縣水忽僵立是日天大寒遂凍爲水柱高五丈四圍亦如之中空而傍有穴後數日流賊過文安鄉民入水穴中避之賴以全者頗多土人謂之河僵亦前史罕見也慎嘗書之實錄中

九宮

與十一卷九宮七色互觀

曆中九宮天蓬星太一坎水白天內星攝提坤土黑天衡星軒轅震木碧天輔星招搖巽木綠天禽星天符中土黃天心星青龍乾金白天柱星咸池兌金赤天任星太陰艮土白天英星天

舟鉛總錄

卷二

十

乙離火紫見唐會要

丘處機論海潮

海潮人皆言因月唐盧肇獨言因日余嘗遊海上詢其故老甚見分明月初出則潮初上月卓午則潮蒲月西轉則潮漸退月沒則潮退盡北方月出則潮復上斗北月中則潮蒲月東轉則潮漸退月沒則潮退盡盧肇言日是太陽水是純陰日西入地時陰避太陽東海潮上日出時水乃西流東海潮下且箭之急疾晝夜不能行萬里如河海之深濶洪波蕩漾日夜能行數萬里乎又肇之所言晝夜方是一潮知肇不曾海上遊行其文經進朝臣無有詰難者蓋世間之事強辯者爲勝自非聖達誰能窮理盡性哉余又曾較勘東萊與膠西陸地相去二百里許水

行迂曲則千里許潮信不同萊北潮上即膠西潮下膠西潮上即萊北潮下北到南海約近萬里據大體北海潮上則江淮以北皆潮涌南海潮上江淮已北皆潮下即是如何登萊即墨盈縮不同又見四方大海潮流各異耳世間之事尚不能究况天外之事乎大抵海水盈縮譬乾象縱橫耳於理則無有邊際隨風飄蕩莫能定准何乃晝夜循環不差度數亦聖功道力不可思議耳丘長春之說如此可與盧肇余靖及天原發微之說相參互故備錄之然潮亦有不可知者如錢鏐射潮而潮退西陲元兵駐錢塘沙上三日而潮不至似有神司之不可以常理推也

溝瀆

舟船總錄

卷二

十一

易坎為水又為溝瀆欲行水者用溝所以為滂之備欲停水者用瀆所以為旱之備溝之一字从苗苗之為言撇也去水之害如撇棄也瀆之為字从賣賣之為言積也鍾水之利如韞積也矯揉水之性而為溝瀆亦猶矯揉木之性而為弓輪聖人所以範圍五行而曲成萬物也周禮考工記九澗逆地防謂之不行水屬注不理遂謂之不行又曰梢溝三十里而廣倍又曰九行

莫水磬折以參伍所謂水屬者屬溝瀆也所謂稍溝者溝末也溝遠而不倍不足以容水水行不磬折不足以殺其勢觀黃河千里一大曲百里一小曲則溝瀆之磬折可知矣是雖矯揉亦出自然反是則漢之鴻隙陂梁之浮山堰矣孟子所言過陂在山非止為喻蓋桔槔澗斗古有為之者漢陰夫人所以目之為

機事也

熱海

岑參熱海行云蒸沙爍石然虜雲湧浪炎波煎漢月此循名想說之誤參雖仕從邊幕亦未曾親到熱海也按玄奘西域記云凌山葱嶺北隅坎雪積凌春夏不解懸釜而炊席冰而寢七日出山有一清池亦曰熱海以其對凌山不凍故得此名其水未必温也玄奘蓋躬至目見非參想像之詞耳

囂字音義

唐詩春雲生嶺上積雪在囂間山凹之地堪為墟市首曰囂尚書序仲丁居于囂其地在陳留滎儀之間秦之敖倉也敖耶囂也三川為天下之朝市故名曰敖云左傳有囂氏之隧史記注

附錄總錄

卷二

三

青陽在青之陽玄囂在玄之囂梁宣帝七山寺賦神囂崑崙而特立仙的皎皎以孤臨皆以囂為地名也周禮司市之文云禁其鬪囂注鬪以力爭囂以口爭交市之地必多爭故禁之此蓋可證囂之為市其義所從來遠矣後世市謂之墟歸市曰起墟言有人則囂無父則虛也蜀謂之場洵謂之街嶺南謂之務河此謂之集○再考說文囂聲也氣出頭上故从囂頁頁頭也左傳晏子之若近市湫隘囂塵杜預注囂聲也此尤可證囂之為市無疑

三江

禹貢曰三江既入諸注家三江之說極多國語子胥曰三江環之民無所移韋昭注曰三江松江也錢塘也浦陽也秦語云越

王擒之於三江之浦范蠡曰與我爭三江五湖之利者非其與
吳越春秋曰范蠡乘舟出三江之口越絕書云出三江之口入
五湖之中蔡沈書傳主唐仲初吳都賦注松江下七十里分流
東北入海爲婁江東南流者爲東江并松江爲三江張守節史
記正義曰三江者在蘇州東南三十里名三江口一江西南上
七十里至大湖名曰松江口笠澤江一江東南上七十里自蜺
湖名曰上江亦曰東江一江東北下三百餘里入海名曰下江
亦曰婁江於其分處號曰三江口顧夷吳地記云松江東北行
七十里得三江口東北入海爲婁江東南入海爲東江并松江
爲三江是也言理三江入海非入震澤也按大湖西南湖州諸
溪從天目山下西北宣州諸山有溪並下太湖太湖東北流各

至三江口入海其湖無通彭蠡湖及太湖處並阻山陸諸儒及
地志等解三江既入皆非也周禮職方氏云揚州藪曰具區川
曰三江按五湖三江者韋昭注非也其源俱不通太湖引解三
江既入失之遠矣鄭山黃氏曰世之說三江者甚衆率於地理
不合至稅安禮蜀人作地理指掌圖禹首指掌圖一出指豫章

或以爲東坡非也

禹首指掌圖一出指豫章

九出彭蠡者爲南江以足經支中江北江之數其論始定然審
如其說於震澤何關耶其曰歷丹陽毗陵入今大江者爲北江
首受蕪湖東至陽羨者爲中江分於石城過宛陵入具區者爲
南江三江在震澤上下而皆入海其說似矣然丹陽毗陵之入
江者特港脉一二詎應影附大江而謂之江而首蕪湖分石城
之二水皆在震澤上流又可以江之入海言耶以今所見受震

澤水東入于海者惟吳松江不見其二也舊有安亭一江由青龍鎮入海閘利者慮其走私稅塞之又有白蜆一江以通青龍今亦塞而耕稼之王半山送裴如晦宰吳江詩曰當知耕牧地往往芙蓉青三江斷其二洪水何由寧豈禹三江之舊迹在是有可訪而復之者耶抑水之爲水有源有委舊說其區三萬六十頃積之既多泄之已難矣熙寧八年旱太湖淺露見丘墓街井是昔爲高原今爲汗澤也湖之浸淫又不知其比舊增多幾千頃非源委之不究而致然耶○慎按蔡沈黃震之說皆於下流求之名以地訛號隨世改恐非禹貢三江之說也曷於上流發源求之徐鉉注說文云江出岷山至楚都名南江至潯陽爲九道名中江至南徐州名北江入海郭璞山海經注岷山大江所出也岷山南江水所自出也岷山北江水所自出也三江皆發源於蜀而注震澤禹貢紀其源而及其委耳豈區區爲吳地記其瓊瑣改易不常之名乎觀禹貢三江之說當以此意求之則余之言雖大禹復生不能易矣

五湖

五湖之說有二周禮揚州其浸五湖國語與我爭三江五湖之利者非吳耶史河渠書於吳則通渠三江五湖晉殖傳曰夫吳有三江五湖之利太史公自叙曰登姑蘇望五湖此五湖者即具區也其派有五故曰五湖一名震澤一名笠澤張勃吳錄云五湖者太湖之別名以其周行五百里三萬六千頃故以五湖名義興記太湖射湖黃湖陽湖洮湖爲五湖酈道元水經謂長

塘湖射貴湖上湖瀾湖太湖爲五湖張守節史記正義云菱湖游湖漢湖貢湖胥湖皆太湖東岸五灣爲五湖震翻云太湖有五道東通長州松江南通安吉霅溪西通宜興荆溪北通晉陵太湖西南通嘉興非溪陸魯望云太湖上稟咸池之氣一水而五名其名大同小異皆禹貢之所謂震澤也王勃文襟三江而帶五湖則摠言南方之湖洞庭一也青草二也鄱陽三也彭蠡一名宮亭湖即禹貢匯澤四也太湖五也

大江

江出岷山其源實自西戎萬山來至嘉州而沫水自嵩州合大渡河穿夷界十山以會之至叙州而馬湖江會之又十五里而南廣江會之至瀘州而內江又自資簡會之至重慶而嘉陵江

丹徒縣錄

卷二

十五

自利閬果合等州會之至涪州而黔江合南夷諸水會之至萬縣而開江水自開達等州會之夫然後摠而入峽是江自峽而西受大水凡八及出峽而下岳陽則會之者洞庭湖所受湖南北諸水也又自是而下鄂渚則會之者漢口所受興元諸水也又自是而下黃州東四十里則會之者巴河也又自是而下九江則會之者彭蠡今名鄱陽湖所受江東西諸郡水也又自是而下則會之者皖水所受淮西諸水也夫然後摠而入海是以自峽而東又受大水凡五略計天下之水會于江者居天下之半其名稱之大而可考者凡十有三故曰江源其出如甕而能滔滔萬里達海所受者衆也嗚呼問學者可以觀矣

南夢北夢

左傳注雲夢跨江南北故有南夢北夢孫光憲號比夢取此○
潯水有南潯比潯比潯在琅邪靈門南潯在九疑零陵○冀州
之浸曰潯有東潯西潯東潯今之張家灣潯河驛西潯山西之
上黨也○東陽今之金華西陽今之黃州○山海經注東甌今
之永嘉在岐海中西甌即閩越今之建安亦在岐海中○山有
東吳西吳西鎮兵山在醴州水有東漢水西漢水見蜀志

善防水滂

周禮考工記曰溝必因水勢防必因地勢善溝者水漱之善防
者水滂之注家衆矣惟王昭禹妙得其旨其說曰溝所以導水
不因水勢則其流易壅防所以止水不因地勢則其土易崩故
爲溝者必因水勢之曲直則其流斯無壅矣爲防者必因地勢
之高下則其土斯無崩矣是故善溝者水必漱齧之而無所壅
以其因水勢故也善防者水必滂液之而無所決以其因地勢
故也又按說文滂浸滂隨理也徐氏曰隨其脉理而浸漬也此
尤可以補善防水滂之義

四道三谷

何仲默三秦志曰自秦入蜀有三谷四道三谷者其西南曰褒
谷南曰駱谷從洋入東南曰斜谷從郿入其所從皆舊志謂
首尾一谷非是其棧道有四出從成和階文出者爲沓中陰平
道郿艾伐蜀由之從兩當出者爲故道漢高帝攻陳倉由之從
褒鳳出者爲今連雲棧道漢王之南鄭由之從城固洋縣出者
爲斜路道武侯屯渭上由之此四道三谷者關南之險阨攻取

所從來固矣

舊志云略谷、黉谷、同一谷、襄谷、斜谷、同一谷

華不注

左傳成公二年晉卻克戰于鞏齊師收績逐之三周華不注相傳讀不字俱作卜音伏琛齊記引擊虜靈腹經不跗如詩萼不韡韡之不謂花蒂也言此山孤秀如華跗之注于水其說甚異而有徵又按水經注云華不注山單椒秀澤孤峰刺天青崖翠發望同黉、黉九域志云大明湖望華不注山如在水中李太白詩昔我遊齊都登華不注峯茲山何峻秀綠翠如芙蓉比之芙蓉蓋因華不之名也以數說互證之伏氏音不為跗信矣

行潦

孟子河海之於行潦行音杭潦音滂謂水滂之年大道上積水也淮南子所謂牛蹄之涔無尺之鯉是也又曰丘阜不能生雲雨涔水不能生魚鼈也

五管

補前五嶺考

嶺南之地曰五管乃統治之名猶南中之六詔也曰廣管曰桂管曰容管曰甯管曰瓊管曰玉蟾瓊州人其文集在瓊曰瓊管集在閩曰武夷集今作瓊瑤非也

沙田

水邊地可耕曰沙金陵有白沙徽州有錦沙楚有長風沙秦有穆護沙佛經有毗沙瓶沙

郭璞墓

郭璞善地里凡遇吉地必剪爪髮以瘞之故郭璞墓所在有之

右軍帖

王右軍之與謝安書云蜀中山川如岷山夏含霜電梭之所聞
崑崙之仲也見輿地志

壠務

宿人城東北有一孤山關駟十三州志以為舜納于麓即此山
栢人城西有碑漢桓帝時徐整所立銘曰上有壠務山王喬所
仙瑾音權務即旄丘之旄也收為趙州莊嚴寺碑壠務之精即
用此事

夜即

漢夜即縣屬牂柯郡唐屬珍州牂柯郡本且蘭國在今播州界
珍州在今施州歌羅寨夜即在桐梓驛西二十里有夜城尚有

舟鑑總錄

卷二

十六

古碑字已漫滅

壞植散群說者不一范無隱云植者邊境植木以為界如榆關
柳塞之類壞植散群則撤成罷兵鄰封混一此尚同之俗也樂
毅書曰剽丘之植植於汶篁徐廣註謂燕之疆界移於齊之汶
水按此范說為長解其天攷隳其天秦林疑獨云人生束縛於
親愛如弓之在殺如書之在秦呂惠卿曰解殺則弛張莫拘墮
秦則卷舒無礙

杜詩左擔之句

杜少陵愁坐詩云葭萌或種迥左擔大羊屯葭萌左擔皆地名
葭萌人皆知之左擔人罕曉也太平御覽引李充蜀云蜀山自
綿谷葭萌道徑險窄比來擔負者不容易有謂之左擔道解者

數十家無一知者又妄易左作立可笑又諸州記陰平縣有左
首瞻在左肩不擣道其路至險自此來
得度右肩也

秦淮海易解

內經曰南方熱熱生火北方寒寒生水西方燥燥生金東方溫
溫生木中央濕濕生土是知水者寒之形濕者土之氣水之於
土妻道也夫從妻所好故水流濕火者熱之形燥者金之氣火
之於金大道也妻從夫之令故火就燥或以陰求陽或以陽求
陰也管輅曰龍者陽精而居于淵故能興雲虎者陰精而居于
山故能運風是則龍陽中之陰也惟陽中之陰能召陰故雲從
龍虎陰中之陽也惟陰中之陽能召陽故風從虎

汶即岷

舟鑑總錄

卷二

十九

蜀山之大者曰岷山其川曰岷江岷字說文作啓省作岷漢人
隸書作汶多與汶上之汶相混列子谿不踰汶謂川江也非汶
上也殷敬順已辨之史記冉駹為汶山都司馬溫公類篇曰汶
音岷據史記引禹貢岷嶓既藝及岷山之陽及岷山導江皆作
汶蓋古字通用也三國志蜀後主至湔登觀坂觀汶水之流王
右軍與周益州撫書曰嬰欲一遊目汶嶺五代史蜀主王建賤
衛尉少卿李嗣為汶川尉徐無黨淫汶讀作岷而今汶川縣誤
呼作閬音蜀焉得齊南魯北之水乎叙州驛名汶川考古志作

漫川

崑崙九州

鄒衍言九州之外復有九州載于史記按其說曰東南神州曰

巨土巨音與正南卽州隋書曰深土西南戊州曰涪土正西金

州隋書曰開土正中冀州曰白土西南柱州曰肥土西北玄

州隋書曰成土東北咸州曰隱土急土正東陽州曰信土

其言本荒唐漢入作河圖括地象全祖其說隋代郊天遂以其

名入從祀之位史炤通鑑釋文曰此九州其崑崙統四方之九

州乎或曰神農地過日月之表蓋神農之九州也桂州一本作

本作官州近是官與

玄相近未知孰正

海外五岳

道經曰海外蓬萊閼苑有五岳靈山一曰廣乘之山天之東岳

也在東海之中為發生之首上有碧霞之闕瓊檝之林紫窠翠

巒焉君稱白橘主歲星之精居九氣青天之內矣二曰長離之山

天之南岳也在南海之中上有朱宮絳闕赤室丹房紫章紅芝

霞膏金醴主熒惑之精居三氣丹天之內矣三曰麗農山天之

西岳也在西海之中上有白華之闕三素之城玉泉之宮瑤林

瑞獸主太白之精居七氣素天之內矣四曰廣野之山天之北岳

也在北海務水之中上多瓊樓寶闕金液龍芝主辰生之精五

氣玄天之內矣五曰崑崙之山天之中岳也在八海之間上當

天心形如偃蓋東曰樊桐西曰玄圃南曰橫石北曰閼苑上有

瓊華之闕光碧之堂瑤池翠水金井玉彭主鎮星之精居于中

元一氣天中焉

元一氣天中焉

元一氣天中焉

漏井區籍

周禮為其井區注井漏井區區籍按漏井今之滲坑區籍今之

陰溝也

東流不溢

楚辭天問東流不溢孰知其故柳子之對朱子之註大抵以歸墟爲說余謂水由氣而生亦由氣而滅今以氣噓物則得水又以氣吹水則即乾由一滴可知其大也歸墟尾閭是水之大窮盡氣之大升降處山海經云記天之上赤水窮焉不姜之山黑水窮焉所塗芝山青水窮焉白水之山白水窮焉不庭之山滎水窮焉成山甘水窮焉則衆流各有窮處至此卽化氣而升不必至歸墟也又莊子云日之過河也有損焉風之過河也有損焉風日皆能損水但甚微而人不知覺若櫟木於日中漂濕於風際則立可驗此隨時而消息也覆杯水於坳堂則立而磨洒激泉於焦原則立而涸此隨地而消息也蓋二氣迷運五行更勝一極不俱備一物不獨息端指何地爲歸墟邪

名山異名

崑崙山一名崑崙君山一名媯宮武當山一名纂嶺普陀山一名梅岑青城山一名天谷大復山一名胎簪衡山一名芝岡東海一名岱淵岱淵見遁甲開山圖曰沙土之壩雲陽之墟可以長生可以隱居指井泉谷口也郭璞注山海經云山川或有同名而異實或同實而異名或一實而數名歷代久遠古今變易未得詳也信哉

東西二周

戰國策注辨證東西二周詳矣近閱劉忠定元城語及今邵文

莊簡端錄二條可以補入今載于此劉之說曰東西二周通封畿宗周鎬京也地方八百里八八六十四爲方百里者六十四也洛邑成周也方六百里六六三十六爲方百里者三十六也二都得方百里者百爲方千里也故詩曰邦畿千里東西長而南北短短長相覆爲千里此周武王時也至幽王時宗周滅所謂方百里失之矣及平王東遷洛邑則方六百里爾邵之說曰昭公二十六年天王入於成周成周下都也王既入成周矣曷不遽入王城也子朝之餘黨在焉故也故襄弘之建議城成周也謂之遷都蓋其任怨也大矣非忠之至者其孰能如此或者不知王城成周爲二遂以入成周爲入于京師使遷都之說卒無所歸而弘之忠不白于後世洛誥曰我卜澗水東澠水西是謂王城又曰我又卜澠水東是謂成周嗚乎地之不考乃害于義如此哉

舟船總錄

卷二

二五

外水內水 中水

宋劉裕遣朱齡石伐蜀寇譙縱聚軍悉從外水取成都城僭從中水取廣漢老弱乘高艦從內水向黃虎史炤通鑑釋文曰巴郡今之重慶正對二水口右則涪內水左則蜀外水自渝上合州至綿州曰內水自渝上戎瀘至蜀謂之外水慎按外水即岷江自重慶上叙州嘉定是也內水即涪江自重慶上合州遂寧潼綿是也中水即沱江自瀘州上富順資簡金堂漢州是也曰四川者則取岷江沱江黑水白水四大川以爲名爾沈約水書資江爲中水涪江爲

水內

禹穴

司馬子長自叙云上會稽探禹穴此子長自言偏遊萬里之目上會稽揔吳越也探禹穴言巴蜀也後人不知其解遂以爲禹穴在會稽而作地志者以禹廟旁小坎如春臼者當之噫是有何竒而奪子長之筆耶按蜀之石泉禹生之地謂之禹穴其石杳深人迹不到頃巡撫儀封劉遠夫修蜀志搜訪古碑刻有禹穴二字乃李白所書始知會稽禹穴之誤大抵古人作文言簡而括若禹穴在會稽而上云上會稽下又云探禹穴不勝其複矣如禹貢曰雲土夢作又雲在江南夢在江北五言而括千餘里又曰蔡蒙旅平蔡山在雅州蒙山在雲南今名蒙樂山上有碑具列其事亦四字而括千餘里鄭玄孔穎達蔡沉夏僎皆所未至而繆云蒙山亦在雅州如此則禹貢所紀山川無乃俗所謂關門閉戶掩柴扉乎古人立言說義理性命恐其不明則不厭複如易曰明辨折也詩曰昭明有融高朗令終之類言山川物產則一言盡之如鐻鐵絲京楸袖如微廬彭濮庸蜀羗髭之類更不復書此易之耳

灘渾字考

說文灘水濡而乾也引詩灘其乾矣今詩灘作暎集韻云本作渾水中沙出也說文有灘字而無灘義集韻有灘義而無渾字今俗假借用之久矣慎按說文引詩灘與暎互文則當作他案切與爾雅太歲在申曰涖灘同音是灘有二音也爾雅汶水曰瀾黃河有中渾城燕肅潮汐說浙江之川起自纂嵐北均嘉興

夾以沙渾隔礙洪波海舶怖於上渾皆作甚善切與闡同音則渾乃闡之省文而漕船志黃河還渾田肥沃此渾字又作平聲是渾亦有二音也再考他字書石瀨水奔曰灘楚辭所謂石瀨兮淺淺是也是灘之爲字主于石也聲類曰水衍沙出曰渾易曰需于沙衍在中也選詩潦收沙衍出衍之與渾字異而義相發蓋渾之爲字主于沙也在河爲磧在江爲灘義取于石在汝曰漬在汶曰瀾義多取于沙而音則或平或仄無定耳

封堠壇埒

王子年云禹治水所穿鑿處皆有泥封記使玄熊升其上此封堠之始按北堂書抄引山海經黃帝遊幸天下有記里鼓道路有記里堆則堠起黃帝非始于禹崔豹古今注畫界者封土爲臺以表識壇境也馬縞曰爲壇埒以畫界分程也十里雙堠五里雙堠

首宿烽

岑參詩首宿烽邊逢立春葫蘆河上浹沾巾皆紀塞上之地也唐三藏西域志塞上無驛亭又無山嶺止以烽火爲識玉門關外有五烽首宿烽其一也葫蘆河上狹下廣洄波甚急深不可渡上置玉門關即西域之襟喉也

渡瀘辨

孔明出師表五月渡瀘今以爲瀘州非也瀘州古之江陽而瀘水乃今之金沙江即黑水也其水色黑故以瀘名之耳沈黎古志孔明南征由今黎州路黎州四百餘里至兩林蠻自兩林南

瑟琶部三程至廣州十程至瀘水瀘水四程至弄棟即姚州也
今之金沙江在滇蜀之交一在武定府之江驛一在姚安之左
却據沈黎志孔明所渡當是今之左却也瑟琶一作風琶兩林
今之邛部長官司也

月窟日域

揚子雲長楊賦西歷月窟古塞東震日域服虔注以爲月所生

恐非李太白詩天馬來出月氏窟月窟即指月氏之國日域指
日逐單于也蓋借日月字以形容威服四夷之遠耳太白妙得
其辭矣月氏一作氏又作月支唐人僞置羈靡曰氏州氏音支
樂府有氏州第一氏州第二即此地也併附著之

黑水之源

丹鉛總錄

卷二

廿五

禹貢曰華陽黑水惟梁州又曰導黑水至于三危入于南海鄭

玄云三危在鳥鼠之西而南當岷山又在積石之西南當黑水

祠黑水出其南脇又按漢書地理益州郡滇池有黑水祠酈道

元水經銳意尋討亦不能知黑水所經之處馬端臨輿地考云

孔鄭通儒亦莫知其處是年代久遠遂至埋湮無以詳焉今按

杜氏通典曰吐蕃有可跋海去赤嶺百里方圓七十里東南流

入西洱河合流而東號曰漾濞水又東南出會川爲盧水焉瀘

水即黑水也長寧周文安公云三危山在雲南麗江其源委既

詳足以補禹貢之注矣濞水今在大理之西百里土俗訛作漾

備唐書姚篤道討擊使唐九徵率兵擊吐蕃虜以鐵絙梁濞濞

二水通西洱築城之九徵毀緬夷城破之建鐵柱於滇地以

勒功即此水也黑水祠在雲南昆明縣之西百渡今名黑殺天神
土主俗祠禱之極衆馬端臨生于宋季土宇分裂紙上之言難
以考據今三危黑水祠濠湲皆在中國余寓雲南二十餘年目
擊耳聞是以得其真併書以諭四方之好古者

墊江之源

蔡松年補南北史志載吐谷渾酋長阿豺登其國西疆山觀墊
江源問其群臣曰此水流更有何名由何郡國入何水也其長
史曾和曰此水經仇池過晉書出宕渠始號墊江至巴郡入江
瀘廣陵會于海阿豺曰水尚知歸吾獨無所歸乎乃遣使南通
于劉宋貢方物宋少帝封爲澆河公按此事甚奇阿豺夷狄之
君能知問學而其臣曾和考據如流何愧於中國之祭欽鄰道
元乎○此所云墊江非今忠州之墊江也古之墊江即今合州
也合州置于西魏隋煬帝改合州爲涪陵而移墊江之名於忠
州之桂溪今之墊江則古之桂溪也近日一統志亦殊草草混
淆聊因書墊江源俛及之○墊江之源乃在吐谷渾之西疆山
今其地不在中國不可考究

兩碣石

禹貢夾右碣石入于河右碣石即河赴海處在壯平郡南二十
里左碣石在高麗唐書云碣石在漢樂浪郡遂城縣長城起于
此山

天方國

杜環經行記云大食國其化女魁偉壯大衣裳鮮潔容止闊麗

女子出門必擁蔽其面一日五時必禮天堂寮數萬人市間之中天地所生無物不有四方輻湊萬貨豐賤大約與永樂中三寶太監鄭和下西洋所說天方國同豈即大食國耶符堅時新羅王遣使衛頭朝貢堅曰卿言海東之事與古不同何也荅曰亦猶中國時代變革名號改移今焉得同由此推之歷代史志所載海外諸國可以此例觀之矣

吳泉

余舊在京見河圖緯象一書緯候之流也專言日月星辰而圖象則缺其文作古字如云邠之隘上為扶桑日所升宣陸之阻上為吳泉月所登吳泉即廬淵也唐人諱淵字作泉亦有本矣又營室星一名結鑰之宿月暈謂之遂巡他書亦不見併識于此

丹鉛總錄

卷二

十七

蜀士夫多不居本鄉

先君嘗言自古蜀之士夫多卜居別鄉李太白寓江陵山東池州廬山而終於采石老蘇欲卜居嵩山東坡欲買田陽羨魏野之居陝州蘇易簡之居吳門孫光憲之居荆南陳堯佐之居嵩縣許奕許將之居閩張孝祥之居于湖姚勉之居筠州陳去非之居葉縣毋廷瑞之居大冶虞文之居臨州鄧文原之居湖州楊孟載之居姑蘇萊可潛之居笠澤豈以其險遠厭跋涉邪

地名用天字

地名山名郡名用天字者天台天目天池在廬山有天池寺天漢漢中天谷青城山志書誤作天國昔之訛也天彭天社新天隰在城都今說為天回天水天堦名山

在將
天鏡天門天牙在城
天漿縣名在
天竺西天山在匈奴中

蓋天輿地

世言輿地圖始于漢光武披輿地圖而不知前漢淮南王傳已
有按輿地圖之語地以輿名取易坤為輿之義猶天如張蓋也
張衡作蓋天圖義取此蓋天輿地正可作對

五靈配五方

漢世先儒說左氏皆以五靈配五方龍木也鳳火也麟土也白
虎金也神龜水也其五行之序則木葬生火火炷生土土升生
金金溲生水水液生木五者修其母則致其子水官修龍至木
官修鳳至火官修麟至土官修白虎至金官修神龜至故曰視
明禮修麒麟求游思睿信立白虎馴優言從文成而神龜在沼聽
聰正知而名川出龍貌恭體仁鳳皇鳴桐

升始總錄

卷二

十八

異乎水而上水

易井之象曰異乎水而上水象曰水上有水井坎水也巽木桔
槔也北方井制如此四聖皆北方人取象係辭必據其物朱子
生南方又兵戈隔絕不見北方井制縱云書中考見之終不如
目覩之真也故其解文離不通亦何怪乎

胡苑

張良對高祖言長安形勝曰南有巴蜀之饒比有胡苑之利史
記漢畫晷不辨胡苑之義後人或改苑作戎非也按漢官儀引
即中侯應之言曰陰山東千餘里單于之苑而也又胡人歌
曰失我燕支山令我婦女無顏色失我祁連山令我六畜不蕃

息所謂胡苑之利當是此義

東陵西陵

禹貢道江過九江至于東陵今巴陵有道士泐地志即古之東陵莊子盜跖死利于東陵之上蓋據波憇濤以濟其姦凶其地至今猶爲盜巢云夷陵爲西陵則巴陵爲東陵可知九江不在潯陽明矣

冢中枯骨

陶謙疾篤曰非劉玄德不能安此州也謙卒糜竺迎備備曰袁公路近在壽春此公四世五公君可以州與之孔融曰公路豈愛國忘家者耶冢中枯骨何足介意融云冢中枯骨正謂四世五公今綱目刪去此公四世五公六字遂不曉冢中枯骨爲何

升錯雜錄

卷二

五九

語

水泮水合

漢光武渡呼池河俄頃水合真有神助矣其後帝命其處爲危渡口示天幸不可恃以戒子孫此其天度何如也石勒擊劉曜濟自大碣以河水泮爲神靈助號爲靈昌津此其去光武遠矣石勒自謂遇光武當並驅中原未論胡漢仁暴只茲一事絕塵莫攀胡羯何其大言無忌耶其後代王什翼犍擊劉辰河水未合乃以葦絙約流漸俄而水合復恐未堅又散葦于上水草相結有如浮梁出其不意遂大破之此則以人力迎天者也

廬山祁連竇頽天山

匈奴中有天山又名廬山又名竇頽又名祁連非有二也揚雄

疏運府庫之財填廬山之壑衛青傳起冢象廬山漢書作象天山史記青傳攻祁連山小顏曰即天山也匈奴謂天曰祁連史炤通鑑釋文曰青嘗絕幕至寘顏山寘音顛即廬山也寘與天聲相近

八功德水

西山有寺名功德正取此義作記者以神功聖德敷衍可笑

佛經大仙彼界有池隨月增減其水有八功德一清二冷三香四柔五甘六淨七不噎八除病

指掌圖

地理指掌圖蜀人稅安禮撰元符中欲上之朝未及而卒書肆所刻皆不著名氏蜀本有涪石任燧序言之極詳字內辨臨江吳辭著今本亦失其姓名故表出之

升船錄

卷二

三十一

地下而黃曰干

韓詩考無在干注地下而黃曰干江南江有吳干平涼有隴干今之靜寧州也樂府有長干曲顏延之發原原文曰身絕郢關跡偏湘干

無定河

陳陶詩可憐無定河邊骨猶是春閨夢裡人按無定河在今青澗縣東六十里南入黃河一名奢延水又名銀水輿地記唐立銀州東北有無定河即園水也後人因潰沙急流深淺無定故更今名又唐陳祐詩無定河邊暮笛聲赫連臺畔旅人情函關歸路千餘里一夕秋風白髮生

胸忍辨

漢地理志有胸忍縣顏師古注音劬誤也按說文胸腊挺也其俱反字旣從句與地名何干通典作胸臆胸音如順切臆如尹切讀如閩蠢通典之音得之矣而字作胸則因漢志而誤也當從胸乃叶閩字之音胸臆蟲名夔州地多此蟲遂以爲名又爲胸臆爲漢中亦誤檢地志漢中實無此縣雲安之西三十里萬戶驛下橫石灘上土人云驛之左右胸臆故地也辨文字與辨職方者宜知之○古李巽嚴胸臆辨可謂互證練考訂千古之謬矣夫以二字之微以師古許慎杜祐三家尚有誤舛今之不悅學者乃以漫浪視之幾何不爲伏獵待卽乎

水經注溇水西有真人帛仲理墓墓前碑題曰仲理名護蓋州巴郡人

壯觀恩錄

卷二

三一

杜牧陸州詩疊嶂巧分丁字水按水經丁溪水在泗水東泗水冬春淺澁常排沙通道陸機賦所謂乘丁水之捷岸排泗川之積沙是也

風俗通山澤篇有沉有沛沛引公羊傳齊景公循海而東師大陷沛澤之中左傳景公田于沛招虞人以弓傳曰送逸禽之超大沛孟子沛澤多而禽獸至沉引傳云沉者莽也言其平望莽莽無涯際也沉澤之無水斥鹵之類也莊子沉有漏注沉水汚也又左傳祭仲殺雍糾乃諸周氏之注注汪地也沉與汪皆希

詒者特著之

管子注草木蕪歲曰沛說文沉濁熱也漢書流斥

山海經太行山一名五行山列子作大形則行本音也河圖括地象云太行天下之脊郭緣生述征記太行首始河內自河內

至幽州凡有八陞崔伯易感山賦上正樞星下開冀方起爲名
丘妥爲平岡巍乎甚尊其名太行蓋赶韻之誤耳

文選魏都賦中山郡出御梨王昌齡詩霜飛天苑御梨秋

拾遺記西海之西有浮玉山山下有穴中有水其色如海波

濤灌陽而火不滅名曰陰火木玄虛海賦所云陰火潛然者也

然李善及五臣註皆不引之唐詩陰火雨中然顏况詩颶風晴
泪起陰火飄潛

號載叔倫詩古戍陰
傳火寒燕曉帶霜

牧誓微盧彭濮伊尹爲四方獻今正南百濮鄭語楚蚡冒始啓

濮劉伯莊曰濮在楚西南左傳麇人率百濮伐楚通典云有尾濮

木綿濮文面濮折腰濮赤口濮黑焚濮爾雅南至于濮鉛周書

王會篇卜人以丹砂注云西南之蠻蓋濮人也諸濮地與哀牢

舟船總錄

卷一

廿二

相接今按哀牢即永昌濮人今名蒲蠻其色黑折腰文面是其
飾也濮與蒲字音相近而訛

東關楊都賦濤聲動地浪勢粘天本自奇語昌黎祖之曰洞庭

漫汗粘天無壁張祐詩草色粘天鷓鴣恨黃山谷遠山粘天吞

釣舟秦少游小詞山林微雲天粘衰草正用此字爲奇今俗本

作天連非矣

東方南方生長之方故七爲少陽八爲少陰西方北方成熟之

方故九爲老陽六爲老陰也皆本於河圖也

詩曰民之初生自土溱沮齊作自杜溱沮言公劉避狄而來居

杜與溱沮之地杜水名即杜陽也據文義作杜爲長

漢地理志陳倉有上公明星黃帝孫舜妻育家詞即堯之二女

乎別一人乎古事茫昧傳疑可也

工官鹽官鐵官銅官錦官服官羞官尊官渴官林官疇官湖官
陂官樓船官發弩官均輸官橘官在魚復苑官涯浦官在南海皆秦

官名而漢因之雜見于諸傳百官表不悉載者微乎微者也

老子曰揅臂而仍之又仍無敵揅無臂漢執文志擬行事仍人
道仍訓因也古文中亦鮮用仍字

漢食貨志云后稷始耑田以二耜為耦廣尺深尺曰耑頽籀云
耑者田中溝也田溝之法耜廣五寸二耜相耦一耦之伐廣尺
深尺謂之耑六耑而為一畝耑即畝也呂覽引后稷書曰能使
吾土靖而耑浴土乎又曰上田棄畝下田棄耑又耜博八寸所
以成耑也又曰畝欲廣以平耑欲小以深以此證之則漢志言
耑田始于后稷有徵齊民要術又載伊尹耑田法制大抵從后
稷其稱伊尹者豈尹嘗用后稷之法以訓民乎

丹鉛總錄

卷二

三十三

今之瓜州非允戎之瓜州今之南陽非晉啓之南陽今之鎬非

米歸之鎬今之平陸非孟子之平陸唐天寶中鑿月河得古鐵上有平陸二字明皇改河

北縣為平陸縣今之新都非王莽所封之新都見後漢書志注

賈誼新書大禹鑿河而導之九牧呂氏春秋禹身執藥函以為

民先別河而導九岐鑿江而通九路說苑禹醜五湖而定東海

鑿本鑿者義取環曲別本梳別義取疏通醜本漉酒義取澄清

古人用字如此亦甚工矣 函即坤字

唐地理志安南通天竺道自羊苾咩城西至朮昌故郡三百里

又西渡怒江至諸葛亮城二百里羊苾咩今在大理怒江今在

騰越怒江波洶涌如怒也或作潯江非

子又考述異記云空同山有堯碑禹碑皆科斗書淳化閣帖首有禹篆十二字輿地志江西廬山紫霄峯下有石室室中有禹刻篆文有好事者繩入摸之凡七十餘字止有鴻荒漾余乃樁六字可辨餘巨識後復追尋之已迷其處矣福建莆田縣陳鼎山有自然仙篆以紙模之形類禹刻何翥詩鳥書蟲文不可識如讀嶠嘍神禹碑禹之遺跡靈闕如此號曰神禹抑有由矣水經注所載事多他書傳未有者其叙山水奇勝文藻辨麗比之宋人卧遊錄今之玉壺水豈不天淵乎嘗欲抄出其山水佳勝爲一帙以洗宋人卧遊錄之陋未暇也又其中戴古歌謠如三峡歌云巴東三峡巫峽長猿啼三聲淚沾裳又云朝見黃牛暮見黃牛三朝三暮黃牛如故又云灘頭白勃堅相持倏忽湓浚別無期記楚道謠云檣溪亦木盤蛇七曲盤羊鳥攏勢與天通皆可以入詩材勝俗子看韻府群玉搜出酸餽惡料令人嘔噦也

升書總錄

卷二

五十四

蒼頡冢方輿勝覽有數處當以關中馮翊今耀州者爲是按皇覽云有蒼頡冢在利陽亭南高六丈又聞人牟準作衛覬碑文云蒼頡冢碑大篆書在左馮翊利陽亭南道旁顛金針八分書也

大江自渝堰至犍爲有五津曰白華津萬里津江首津涉海洋江南津出華陽國志王勃詩風帆望五津盧照隣文子自江陽言歸五津皆指此也

丹鉛總錄卷之二終

◎ 杭州圖書館

◎ 杭州圖書館

類別	保曲
編號	005300
冊數	8
售價	1200

杭州圖書館

古籍10
丹鉛總錄